

8 FINALISTA MAS PA FESTIVAL VOZ I LANDIA

ORANJESTAD(AAN)—Ballroom di Aruba Concorde Hotel no tabata tin lugar mas pa pone hende cu a bin presencia e segundo pre final di e festival di canto Voz I Landia Escolar di e aña aki, na cual a participa ayera 17 cantante di 10 pa 13 aña.

Ritmonan manera balada, wals, rock, reggae, tambu, tango, calypso entre otro por a ser scucha ayera tardi.

Esnan cu a participa tabata Jerry Orman, Valerié Habibe, Sandra Noquera, Edmond Croes cu a clasifica, Helene Arends Angelo Figaroa cu tambe

a clasifica, Jesmine de Cuba, tambe a participa esnan cu a clasifica ademas, cu ta Albert Peters, Nelson Tromp, y Gloria Vega.

Tambe a tuma parti, Vicky Tjong A Jong, Alexandra Tromp, Marelva Werleman cu a clasifica, Ramphis Tromp, Melisa Kock cu a clasifica, Sandra Priest, Carin Peterson cu tambe a clasifica y e joven Ohab Bibi Fazia.

Dia 24 di e luna aki lo tin e final di e festival aki den Concorde Hotel y for di awe por haya caarchinan pa esaki.



Ariba e foto aki por mira e 8 finalistanan di festival Voz I Landia Escolar kendenan a clasifica ayera tardi. Nan ta Edmond Croes, Angelo Figaroa, Albert Peters, Nelson Tromp, Gloria Vega, Marelva Werleman, Melisa Kock, y Carin Peterson.

SANGERNAN ARUBANO ...Cont. di pagina 12

mester conclui cu e lider di Simar no tin sanger Arubano, pero si ta papia cu poder aki na Aruba.

Pueblo di Aruba, sangernan Arubano, ban demostra cu nos lo no permiti sin mas cu cualquier

persona sin escrupulo por dicidi pa e existencia di nos Aruba. Nos como humilde trahador di Aruba lo demostra nos patriotismo y nos sanger cu nos no ta permiti poco anti-Aruba bin destrui nos existencia.

Pueblo di Aruba, sangernan Arubano, pone bo man na bo pecho y analiza bo mes, kico ta bon y kico ta malo? Jonchito Croes.

E OTRO BANDA DI ...Cont. di pagina 12

school. Algun ta haci esaki sin ningun clase di beneficio. Hopi ta yuda cu guia y recreacion pa nos muchanan. Tur esaki segun bo pensamiento no ta bal net nada. Esey lo ta bo opinion y nos ta respete.

Pero pa nos esaki kier meen: traha pa un futuro mihor pa nos criaturanan. Un futuro caminda democracia lo reina realmente.

Dunando tur criatura e oportunidad sin ningun clase di condicion pa por siña y bira algo den bida. Pero no bin bisa cu comunismo a haci su entrada, pasobra nos lo ta un di e promernan cu lo lucha contra esaki.

Ora cu Gobierno a pidi Pueblo pa lanta para y defende e lucha nos gubernantenan a haya esaki algo sublime. Awe cu Pueblo

ta protesta contra di abusanon y kier defende su mes un derechonan, bo persona ta califica esaki como un medida peligroso segun e sistema comunista. Y otro cos: no ta sindicato a caba cu mentalidad di nos produci.

Bo sabi mescos cu tur hende cu ta Gobierno cu ta sinta awor aki, sin vision alguno, a tuma hendenan di ofishi na trabao pa cana rond pornada y cobra tur fin di siman of fin di luna.

Mihor bo persona haci un autocritica y reflexion bon ariba bo ideanan. Pasobra mi ta kere mas bien cu bo kier bruha tera y tira santo den wowo di Pueblo na lugar di sali na defensa di nos digno y culto pueblo, cu bo tambe seguramente ta pertenece na dje.

Cu mil amor lo mi kier yuda drecha e situacion actual. Pero esaki mester socede a base di respet mutuo y no unilateralmente. Te aki. Masha danki. Un maestro.

**LESA
DIARIO**

CONOCE E 7 SEÑALNAN CU POR TA INDICACION DI CANCER

1. Ta basta dia mi ta verkoud, y te ainda mi tosamento no kier kita; anto hasta mi a baha man na humamento.
2. Mi ta couw e pan hopi prome cu mi por gulie; mi a perde basta peso, sin tene dieta; mi ta bay af masha iregular delaster aki, anto tin ora tin sanger den e sushi tambe.
3. E pipita aki no ta tey luna pasa cu mi a samina mi pecho, e ta manera duro tambe y e punta ta supura.
4. Esta un kimamentu kada biaha cu mi orina; anto mi ta haya gana cu frecuencia, sin cu mi por domine; tin ora e ta sali cu difilcultad tambe.
5. Den lunanan cu a pasa mi no tabata menstrua di e tanto ey, por ta miho mi tuma un "pap-test".
6. E herida aki tin basta tempo habri, ta pakico e no ta sera pa caba.
7. Mi ta kere cu e fret aki a crece y cu su color a cambia.


Ora cu cualkier un di e sintomanan aki ta molestia bo y ta mas di tres siman cu e ta persisti, ta ora di bay dokter.

**MENSAHE DI
KONINGIN WILHELMINAFONDS**

**CANCER TA CURABEL
SI BO TRATELE NA TEMPO**

**CANCER NO TA UN ENFERMEDAD
CU TA PEGA**

**INFORMACION
RIBA SEÑALNAN
CU POR TA
INDICACION
DI CANCER**



**COMPUTER
COURSES
ARUBA**

**NEW SPRING COURSES
STARTING IN MARCH**

BASIC COMPUTER SCIENCE

This completely revised course is for personal and mini computer users. You will learn computer concept, data communication and what you can do with your personal computer. To attend this course you must have a MULO, MAVO or LTS EDUCATION.

THIS COURSE STARTS MARCH 19th.
For more information, call 24022 or 32351.